



Broj: 06-1-07-1-141/23
Sarajevo, 05.04.2023. godine
F.S.

Na osnovu člana 2.9 stav (1) tačka 14. i tačka 17, člana 1.10 stav (1) tačka 1. i stav (2) i člana 10.16 stav (3) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 11. i 15. Uputstva o dodjeli i prestanku mandata ("Službeni glasnik BiH", broj 27/22, 77/22 i 78/22) i Kriterija i postupka popune nedostajućih mandata u Domu naroda Parlamenta Federacije Bosne i Hercegovine u pravnoj stvari prestanka mandata Uk Nihada, delegata u Domu naroda Parlamenta Federacije Bosne i Hercegovine, Centralna izborna komisija Bosne i Hercegovine je na 31. sjednici, održanoj dana 05.04.2023. godine, d o n i j e l a

O D L U K U

o prestanku mandata i dodjeli mandata sljedećem kvalificiranom kandidatu

- (1) **Uk Nihadu**, delegatu u Domu naroda Parlamenta Federacije Bosne i Hercegovine, izabranom na Posrednim izborima 2022. godine sa liste predlagača NAŠA STRANKA 2, za izbor delegata u Dom naroda Parlamenta Federacije Bosne i Hercegovine iz Skupštine Kantona Sarajevo, iz reda Ostalih, utvrđuje se prestanak mandata sa danom 27.03.2023. godine.
- (2) Upraznjeni mandat iz stava (1) dispozitiva ove Odluke dodjeljuje se **Dorić Almiru**, sljedećem neizabranom kandidatu političkog subjekta ŽELJKO KOMŠIĆ - ZA GRAĐANSKU DRŽAVU - DF/GS za Skupštinu Tuzlanskog kantona, za Opće izbore 2022. godine, iz reda Ostalih.
- (3) Dorić Almir dužan je postupiti u skladu s članom 1.3a stav (3) Izbornog zakona BiH i u roku od sedam dana od dana prijema Izjave o prihvatanju/odbijanju mandata istu čitko popuniti i dostaviti Centralnoj izbornoj komisiji BiH.
- (4) Ukoliko Izjava iz stava (3) dispozitiva ove Odluke ne bude dostavljena u navedenom roku, smatrat će se da je kandidat odustao od mandata, te će se mandat dodijeliti narednom kvalificiranom kandidatu sa liste.

O b r a z l o ž e n j e

Centralna izborna komisija Bosne i Hercegovine je, dana 29.03.2023. godine, zaprimila obrazac OB-1, zahtjeva za utvrđivanje prestanka mandata izabranom članu tijela vlasti, ispunjen i potpisan od strane delegata Uk Nihada, a kojim je Uk Nihad, dana 27.03.2023. godine, podnio zahtjev za utvrđivanje prestanka mandata delegata u Domu naroda Parlamenta Federacije BiH, a iz razloga imenovanja na poziciju premijera Kantona Sarajevo, kako je u obrascu navedeno.

Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

Uvidom u ovjerenu kandidatsku listu predlagača NAŠA STRANKA 2, za izbor delegata u Dom naroda Parlamenta Federacije Bosne i Hercegovine iz Skupštine Kantona Sarajevo, iz reda Ostalih, sa koje je Uk Nihad izabran u Dom naroda Parlamenta Federacije Bosne i Hercegovine, utvrđeno je da ista lista nema više kandidata, odnosno da je ista lista iscrpljena.

Uvidom u službenu evidenciju Centralne izborne komisije BiH, utvrđeno je da ni na jednoj ovjerenoj kandidatskoj listi iz skupština svih deset kantona za izbor delegata u Dom naroda Parlamenta Federacije Bosne i Hercegovine nema neizabrani kandidat iz reda Ostalih, a kako bi nedostajući mandat u Domu naroda Parlamenta Federacije BiH bio popunjen.

Članom 10.16 stav (3) Izbornog zakona BiH, propisano je: „Izuzetno, Centralna izborna komisija Bosne i Hercegovine će donijeti poseban akt kojim će propisati način popune mjesta dodijeljenih jednom od konstitutivnih naroda ili grupi Ostalih koja ostanu upražnjena nakon provođenja postupka predviđenog u stavovima (1) i (2) ovog člana i popunit će nedostajući broj delegata iz reda konstitutivnog naroda ili iz reda Ostalih.“

Slijedom navedenog, Centralna izborna komisija Bosne i Hercegovine je, na 82. sjednici održanoj 04.11.2022. godine, donijela odluku o Kriterijima i postupku popune nedostajućih mandata u Domu naroda Parlamenta Federacije Bosne i Hercegovine (u daljnjem tekstu „Kriteriji“).

Članom 2. Kriterija propisano je da za popunu nedostajućeg delegata iz reda konstitutivnog naroda ili iz reda ostalih u Dom naroda Parlamenta Federacije Bosne i Hercegovine, Centralna izborna komisija Bosne i Hercegovine utvrđuje i primjenjuje sljedeće kriterije:

- a) broj stanovnika iz reda nedostajućeg konstitutivnog naroda ili iz reda ostalih po kantonima uzimajući u obzir apsolutni i procentualni broj stanovnika u odnosu na ukupan broj stanovnika,
- b) kvalifikovanost političkih subjekata (prijeđen cenzus i osvojen najmanje jedan mandat u skupštini kantona), a koji ima kandidata na kandidatskim listama iz reda nedostajućeg konstitutivnog naroda ili iz reda ostalih i
- c) broj osvojenih ličnih glasova kandidata sa liste političkog subjekta iz tačke b) ovog člana.

Za primjenu kriterija iz člana 2. tačka a) korišteni su podaci posljednjeg Popisa stanovništva u Bosni i Hercegovini iz 2013. godine („Službeni glasnik BiH“, broj: 60/16).

Članom 3. Kriterija određeno je da nepopunjena delegatska mjesta pripadaju kantonima koji imaju najviše stanovnika iz reda Ostalih u apsolutnom broju stanovnika kantona i procentualnom broju stanovnika u odnosu na ukupan broj stanovnika u kantonu, a to su **Kanton Sarajevo (28 075 ili 35,16%)**, **Tuzlanski Kanton (17 815 ili 22,31%)** i **Zeničko-dobojski kanton (12 808 ili 16,04%)**, te da se popuna delegata u Domu naroda Parlamenta Federacije Bosne i Hercegovine vrši kandidatima sa kandidatske liste političkog subjekta koji je osvojio najmanje jedan mandat u skupštini kantona, kandidatom iz reda Ostalih, koji je osvojio najveći broj ličnih glasova u tom kantonu na Općim izborima 2022. godine.

Imajući u vidu to da je, primjenom navedenih propisa, prethodni zamjenski mandat za Dom naroda Parlamenta Federacije Bosne i Hercegovine dodijeljen delegatu iz reda Ostalih iz Kantona Sarajevo, naredni količnik za dodjeli mandata delegata u Dom naroda Parlamenta Federacije Bosne i Hercegovine, po apsolutnom broju stanovnika kantona i procentualnom broju stanovnika u odnosu na ukupan broj stanovnika u kantonu, na osnovu Popisa stanovništva u Bosni i Hercegovini iz 2013. godine, pripada Tuzlanskom kantonu.

Uvidom u Odluku o protvrđivanju rezultata Općih izbora 2022. godine u Bosni i Hercegovini („Službeni glasnik BiH“, broj 73/22), utvrđeno je da osam političkih subjekata u Skupštini Tuzlanskog kantona imaju osvojen najmanje jedan mandat, kako slijedi:

R.B.	Šifra	Naziv političkog subjekta	Broj osvojenih mandata
1	90	SDA - STRANKA DEMOKRATSKE AKCIJE	13
2	8	SDP - SOCIJALDEMOKRATSKA PARTIJA BOSNE I HERCEGOVINE	8
3	3068	ŽELJKO KOMŠIĆ - ZA GRAĐANSKU DRŽAVU - DF/GS	4
4	2321	POKRET DEMOKRATSKE AKCIJE-PDA	3
5	4	STRANKA ZA BOSNU I HERCEGOVINU-SBIH	2
6	2317	NAROD I PRAVDA	2
7	3070	SDBIH SOCIJALDEMOKRATE BOSNE I HERCEGOVINE ZELENI POKRET	2
8	877	NAŠA STRANKA	1

Nadalje, uvidom u broj osvojenih ličnih glasova kandidata za Skupštinu Tuzlanskog kantona iz reda Ostalih, u Odluci o protvrđivanju rezultata Općih izbora 2022. godine u Bosni i Hercegovini, Centralna izborna komisija Bosne i Hercegovine je utvrdila da je Dorić Almir, kandidat iz reda Ostalih, sa kandidatske liste političkog subjekta ŽELJKO KOMŠIĆ - ZA GRAĐANSKU DRŽAVU - DF/GS, za Skupštinu Tuzlanskog kantona za Opće izbore 2022. godine, osvojio najveći broj ličnih glasova (1338 glasova), od svih kandidata koji nisu dobili mandat u Domu naroda Parlamenta Federacije Bosne i Hercegovine.

U skladu sa svim navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14. i tačka 17, člana 1.10 stav (1) tačka 1. i stav (2) i člana 10.16 stav (3) Izbornog zakona Bosne i Hercegovine, te člana 11 i člana 15. Uputstva o dodjeli i prestanku mandata i Kriterija i postupka popune nedostajućih mandata u Domu naroda Parlamenta Federacije Bosne i Hercegovine, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.

Zamjenjuje predsjednika

Dr. Ahmet Šantić, član

Dostavljeno:

- Uk Nihad,
- Dorić Almir,
- Dom naroda Parlamenta Federacije BiH, nakon pravomoćnosti,
- a/a.

